

**Ageriko batzarra**  
**G. Jauregiren mendeurrenkari**  
**Aramaion, 1995eko apirilaren lean**

Haritschelhar, J., euskaltzainburua  
 Knörr, E., idazkaria  
 Charritton, P.  
 Irigoyen, A.  
 Kintana, X.  
 Krutwig, F.  
 Oihartzabal, B.  
 Ondarra, P.  
 Peillen, Tx.  
 Villasante, L.

P. Pujana

Badiola, R.  
 Lizundia, J.L.  
 Ruiz Urrestarazu, M.M.  
 Uribarren, P.  
 Zearreta, J.J.

Aramaioko udaletxean, 1995eko apirilaren lean, eguerdiko 12ak eta erdietan, egin du Euskaltzaindiak ageriko batzarra, alboan aipatzen diren euskaltzainak han zirela. Ezin etorria adierazi dute P. Altuna, J.A. Arana, M. Azkarate, J.L. Davant, X. Diharce, P. Goenaga, P. Salaburu, I. Sarasola eta J.M. Satrustegik.

Aretoa jendez beterik zegoen. Mahaian jarri dira: Jean Haritschelhar, euskaltzainburua; Jose Ramon Uribe, Aramaioko alkatea; Endrike Knörr, idazkaria; Patxi Ormazabal, Hirigintza, Etxebizitza eta Ingurugiro sailburua; Jose Maria Zeberio, Hizkuntza Politikarako idazkari nagusia; Julen Urkiza, karmeldar ordenaren buruzagia; Patxi Uribarren, urgazlea; Patxi Salaberri Muñoa, Euskal Herriko Unibertsitateko irakaslea, eta Jose Ramon Etxebarria eta Gotzon Lobera, euskaltzaleak.

Ongi etorritzko hitzak egin ditu lehenik alkate jaunak, aretoan ziren guztiei esker ona agertuaz eta Euskaltzaindiaren lana goraiatuaz batera.

Jean Haritschelharrek Arabaren euskalduntasuna aldarrikatuz hasi du bere mintzaldia. Euskaltzaindia, esan du, ez da behin ere hizkuntza borrokan ariko, baina bai fermuki esango euskarak bere tokia duela zazpi probintzietan. Pedro Pujana herriko semea, atzoko batzarrean euskaltzain ohorezko izendatua, aipatu du eta konpainia ederrean, hots, Joan Corominas lagun, sartu dela esan dio. Une horretan zutitu da P. Pujana jauna, jendea agurtzeko, guztien txaloen erdian. G. Jauregi idazlea aipatu du ondoren, haren euskaltzaleatasuna eta lanak gorestekoko.

Patxi Uribarren mintzatu da ondoren, Gabirel Jauregiren bizitzaz eta lanaz.

Julen Urkizak *Aita Gabirel Jauregi Uribarren (1895-1945)* liburua aurkeztu du. Eusko Jaurlaritzaren eta Arabako Foru Diputazioaren laguntzaz argitaratu den liburu honetan jaun hauek parte hartu dute: J. Urkiza, A. Lobera, P. Uribarren, L. Baraiazarra, J.R. Etxebarria, Jazinto Iturbe, Tx. Preciado, J.R. Elejalde, A. Unzueta. G. Garate, Isaak

Atutxa. P. Salaberri Muñoa, Pedro Pujana, J. Martinez Montoia eta F. Unzueta. Jauregi idazlea, batetik, eta Aramaio, bestetik, dira liburaren gaiak.

Jose R. Etxebarriak Jauregiren *Pisia* (1935) eta *Kimia* (1936) liburuen azterketa egin du. Gai hauen gainean euskaraz egin diren lehenbiziko liburuak direla esan du. Alor horiek euskaraz lantzeko ahalegin haien emaitza azken urteotan nabarmen dela adieraziz amaitu du Etxebarria jaunak.

Gotzon Garate ezin etorririk, A. Loberak irakurri du haren txostena, Aramaioko eta inguruko euskararen eder eta zuzenaz.

P. Salaberri Muñoak Aramaioko euskarari buruz azken hamabost urteotako datuak azaldu ditu. Datu horien arabera, euskararen ezagutzak aurrera egin duen bitartean, gero eta gutxiago erabiltzen da. Egoera kezkagarri hau kontuan harturik behar diren neurriak hartzea eskatu du Salaberri jaunak.

Azken hitzak J. Haritschelhar euskaltzainburuak egin ditu, berriro ere guztiei eskerrak emanez, eta bereziki liburuan parte hartu dutenei.